

III. Essay Question:

Colligere incertos et in ordine ponere crines
docta neque ancillas inter habenda Nape
inque ministeriis furtivae cognita noctis
utilis et dandis ingeniosa notis,
5 saepe venire ad me dubitantem hortata Corinnam,
saepe laboranti fida reperta mihi,
accipe et ad dominam peraratas mane tabellas
perfer et obstantes sedula pelle moras.
nec silicum venae nec durum in pectore ferrum
10 nec tibi simplicitas ordine maior adest;
credibile est et te sensisse Cupidinis arcus:
in me militiae signa tuere tuae.
si quaeret quid agam, spe noctis vivere dices;
cetera fert blanda cera notata manu.
15 dum loquor, hora fugit: vacuae bene redde tabellas,
verum continuo fac tamen illa legat.
aspicias oculos mando frontemque legentis:
et tacito vultu scire futura licet.
nec mora, perlectis rescribat multa iubeto:
20 odi, cum late splendida cera vacat.
comprimat ordinibus versus, oculosque moretur
margine in extremo littera †rasa† meos.
quid digitos opus est graphio lassare tenendo?
hoc habeat scriptum tota tabella ‘veni.’
25 non ego victrices lauro redimire tabellas
nec Veneris media ponere in aede morer.
subscribam VENERI FIDAS SIBI NASO MINISTRAS
DEDICAT. AT NUPER VILE FUISTIS ACER.

Write an essay in which you describe how the structure and style of this poem reinforce the poet’s sense of urgency and excitement. Be sure to select specific Latin words and phrases in support of your arguments.

www.BOLCHAZY.com